

***Foras na Gaeilge***  
***Nochtadh Leasanna – Fostaithe***

Is cuid thábhachtach de phobal na Gaeilge iad foireann Fhoras na Gaeilge féin agus beidh siad gníomhach in imeachtaí agus le grúpaí áirithe Gaeilge. Aithníonn Foras na Gaeilge na scileanna agus an saineolas a thugann baill foirne chuig na grúpaí seo agus an taithí a thugtar ar ais chuig Foras na Gaeilge dá réir. Déanann an polasaí seo iarracht an méid seo a aithint, agus an chosaint chuí a thabhairt don fhoireann agus d'Fhoras na Gaeilge faoi seach.

***Polasaí Ginearálta***

Is é príomhdhualgas gach festaí de chuid Fhoras na Gaeilge seirbhís rialta, phoncúil agus shásúil a sholáthar d'Fhoras na Gaeilge. Is sárú ar an Pholasaí seo é aon ghníomhaíocht nó ghnó le linn nó lasmuigh d'uaireanta oibre a imríonn nó a d'fhéadfadh drochthionchar a imirt ar chumas festaí an dualgas sin a chomhlónadh nó a thagann salach nó a d'fhéadfadh teacht salach ar leasanna, spriocanna agus pholasaithe Fhoras na Gaeilge agus féadfaidh sé go dtionscnófar gníomh smachtaithe in aghaidh an fhostaí sin lena n-áireofaí briseadh as post.

***Infheidhmitheacht***

Gach festaí de chuid Fhoras na Gaeilge.

***Sainmhíniú***

Ní ceadmhach do lucht bainistíochta ná d'fhostaithe a bheith páirteach i bhfostaiocht/leasanna gnó seachtracha atá ag teacht salach ná a d'fhéadfadh teacht salach ar aon ghnó de chuid Fhoras na Gaeilge. Dá bhrí sin, ní mór d'fhostaithe Fhoras na Gaeilge a chur in iúl i scríbhinn don Phríomhfheidhmeannach – a choinníonn taifead rúndá – aon leas ná coimhlint phearsanta ná teaghlaigh a d'fhéadfadh tionchar a imirt ar a neamhchlaontacht maidir le cur i gcrích a gcuid dualgas más ann dá leithéid ná a luaithe agus a tharlaíonn a leithéid lena n-áirítear:

- Aon leas, scairshealbhú ná coimhlint leasa fhéideartha a bheadh ag festaí le comhlacht ná eagras óna gceannaíonn Foras na Gaeilge earraí, oibreacha ná seirbhísí,
- Aon fhostaiocht ná leas gnó seachtrach atá ná a d'fhéadfadh teacht salach ar ghnó Fhoras na Gaeilge,
- Aon leas de chuid ghartheaghlaich festaí a dtarlódh coimhlint leasa den chineál dá bharr,
- Aon choimhlint fhéideartha a d'fhéadfadh tarlú mar gheall ar bheith ranmpháirteach i measúnú iarratas ar dheontas ná in údarú deontas de chuid Fhoras na Gaeilge ar mhaoiniú.
- Is ceart do bhall foirne éirí as oifig in aon eagraíocht a fhaigheann maoiniú, ná a dtiocfadhl leis iarratas a dhéanamh ar mhaoiniú, ó Fhoras na Gaeilge nuair a dhéantar post a thairiscint i bhFhoras na Gaeilge don bhall foirne. Sa chás go bhfuil baint mar choisteoir ná mar shealbhóir oifige ag an fhostaí le heagraíocht agus gur mhaith leo cás a dhéanamh fanacht in áit san eagras i gceist, is féidir sin a dhéanamh i scríbhinn leis an Bhainisteoir líne a chuirfidh an cás faoi bhráid an Phríomhfheidhmeannaigh agus ní bheidh dul thar a b(h)reith siúd.

*Foras na Gaeilge*  
*Nochtadh Leasanna – Fostaithe*

- I gcás fostáí reatha beidh clár ama faoi éirí as oifig in eagrás a fhaigheann maoiniú, nó a dtiocfadh leis iarratas a dhéanamh ar mhaoiniú, ó Fhoras na Gaeilge le haontú leis an bPríomhfheidhmeannach. Is féidir le fostáí cás a dhéanamh i scríbhinn leis an Bhainisteoir Líne a chuirfidh an cás faoi bhráid an Phríomhfheidhmeannaigh agus ní bheidh dul thar a b(h)reith siúd.
- Caithfidh an Príomhfheidhmeannach éirí as oifig in aon eagraíocht a fhaigheann maoiniú, nó a d’fhéadfadh iarratas a dhéanamh ar mhaoiniú, ó Fhoras na Gaeilge nuair a thairgtear post an Phríomhfheidhmeannaigh i bhForas na Gaeilge di/dó, agus ní ceart di/dó glacadh le tairiscint poist / ról mar oifigeach ina dhiadh sin in aon eagraíocht dá leithéid.
- Cloífeart le gach rialachán maidir le RGCS agus aon eolas den chineál seo á stóráil go slán i seilbh Fhoras na Gaeilge. Tá toiliú tugtha ag fostaithe cheana féin maidir le próiseáil agus stóráil an eolais seo nuair a ghlac siad le ceapachán le Foras na Gaeilge.

***Láimsheáil Choimlíní Leasa***

- i. Sa chás go dtarlaíonn coimhlint leasa d’fhostáí, ní mór dó/di stad de bheith ag plé leis an iarratas ar dheontas, leis an chonradh nó leis an chás ina bhfuil coimhlint leasa nó choimhlint leasa fhéideartha, agus ní ceadmhach dó/di féacháil le haontionchar a imirt ar chinntí a bhaineann leis an chás.
- ii. Má tharlaíonn ceist an raibh nó nach raibh ceist coimhlint leasa ann d’fhostaithe i gcás áirithe, ní mór an cheist a chur faoi bhráid an té dá bhfuil siad freagrach. Sa chás gur gá é, is é/í an Príomhfheidhmeannach a dhéanfaidh cinneadh ar an cheist agus ní bheidh aon dul thar a b(h)reith.
- iii. I gcás fostaithe a bhfuil baint acu le gníomhaíochtaí gnó seachtracha, go díreach nó go hindíreach, roimh fheidhmiú an Pholasaí Coimhlint Leasa nó sular fostáodh ag Foras na Gaeilge iad, ní mór dóibh é seo a chur in iúl, i scríbhinn, dá Stiúrthóir agus cead a iarraidh leanstan le gníomhaíochtaí den chineál.
- iv. Ní mór do bhaill foirne cásanna a sheachaint ina bhféadfadh a leasanna pearsanta féin teacht salach ar leasanna Fhoras na Gaeilge. Ní ceadmhach, go háirithe, do bhaill foirne ar aon chúis baint a bheith acu den chineál gnó/comhairliúcháin le haon duine nó chomhlacht lena bhfuil nó lenar dóiche go mbeadh caidreamh ag Foras na Gaeilge seachas ina gcáil mar bhall foirne de chuid Fhoras na Gaeilge.
- v. Ní ceadmhach do bhaill foirne Fhoras na Gaeilge acmhainní nó am Fhoras na Gaeilge a úsáid chun a dtairbhe pearsanta féin, nó chun tairbhe daoine/eagraíochtaí nach bhfuil aon bhaint acu le Foras na Gaeilge nó lena chuid gníomhaíochtaí.

***Foras na Gaeilge***  
***Nochtadh Leasanna – Fostaithe***

- vi. Ní ceadmhach do bhaill foirne deiseanna gnó a chuirtear faoina mbráid le linn a dtréimhse festaíochta le Foras na Gaeilge a chur ó dhoras Fhoras na Gaeilge, chun a dtairbhe pearsanta féin,
- vii. Sa chás gurb é tuairim na Bainistíochta go bhfuil nó go bhféadfadh drochthionchar a bheith á imirt ag aon ghníomhaíocht lena bhfuil ball foirne bainteach ar a c(h)umas chun a c(h)uid oibre a dhéanamh go sásúil, nó go bhfuil nó go bhféadfadh coimhlint leasa tarlú dá barr, beidh sé de cheart ag Foras na Gaeilge á áitiú air/uirthi éirí as nó lagú siar ar an ghníomhaíocht sin.

24 Feabhra 2020

Dáta céad athbhreithnithe eile Feabhra 2023